

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De secundo

[urn:nbn:de:bsz:31-126133](#)

ab illis, & Anti-Christo, Papa & Mahometo reliquit illos.

2. *Quando homini in calamitatibus ver-santi solarium suum subtrahit*, hoc modo apparenter reliquit prius Jobum, ut ipse conqueritur: Mutatus mihi es in crudelē, & dura manu tua ostendis, te esse inimicum meum, Job. 30. v. 21. verè verò Juddam, qui & solatio orbus desperavit, Matth. 27. v. 5.

3. *Quando benedictionem suam ab homine ejusq[ue] actionibus tollit*. Hoc modo recessit à Saule, qui deinde nihil amplius feliciter gescit, 1. Sam. 16. v. 14.

Quia verò per peccata & impian vitam Deus quasi à nobis propellitur, peccata quippe dividunt nos & Deum nostrum, Esa. 59. v. 2. Spiritus Sanctus disciplina effugiet factum, & auferet se à cogitationibus, quae sunt sine intellectu, Sap. 1. v. 5. desistamus à malo, & discamus benefacere, Psal. 34. v. 15. Ne à Deo deseramur, & temporale atque æternum va incurramus, quod impropereatur talibus. Osea. 9. vers. 12.

De Secundo.

Sequitur Medela, quæ fluit
I. *Ex dulcissima Christi conversatione,*
qua prosequitur amantes Ie.

Quamprimum discipuli hi Emauntici in via de Magistro suo, ex sincera caritate invicem colloquuntur, appropinquans comitem se illis adjungit, & iter facit cum illis. Idem hodiernus adhuc facit, estque cum fidelibus suis, non modo præfencia generali, de qua Paulus: Non longe est ab uno quoque nostrū; in ipso

enim vivimus, movemur, & sumus, Act. 17. v. 27. sed & præsentia gratiæ, ubi appropinquat ad nos, verbo & Sacramentis, quibus nos alit, roborat, & recreat. In specie verò libenter est cum mœstis & contritis corde, sicut hi duo discipuli, quibus se adsociat, pleni tristitia & mœroris fuerunt.

Nam juxta est Dominus iis, qui tribulato sunt corde: & contritos spiritu salvabit, Psalm. 34. vers. 19. Hoc præfiguratum est in hospitio Bethania, nam Luc. 10. vers. 38. legimus quod Christus libenter Bethaniæ apud Lazarum, Martham & Mariam diverterit. Bethania verò domum tristitia notat, ubi multum tristitia spiritus est, ibi Christus solatico suo præsens operatur, 2. Cor. 7. v. 10. Bethaniæ sorores plenæ dolorum sunt, Marthæ plenæ cutarum, & Maria plenæ amaritudinis. Tamen & præsens est frater Lazarus, qui auxilium suum in Deo invenit. Christus igitur gaudio & solatio replet. Quomodo si cui mater blandiatur, ita ego consolabor vos, Esa. 66. v. 13.

Quando igitur gratia & solatio suo nobis appropinquat, cum gaudio excipiamus eum, & præsentiam ejus exosculemur, præsertim, quia non solus venit, sed & Pater, qui cum eo unum est, Joh. 10. v. 30. & Spiritus Sanctus, qui ab eo ab æterno procedit, cum eo venit, & ita SS. Trinitas nobiscum convertatur, quam & sequuntur S. Angeli, qui castra metantur in circuitu timentium Dominum, Psal. 34. v. 8. quæ tanta gloria est, quam verbis exprimere nunquam possumus.

II. Ex